

Na fa kanan tuak bawmhnak biathli

Sianginn Kaihlan in – Tang 2 tiang

Ngakchia
paohpaoh,
cotin khawh
ding paohpaoh



Inn ah kanan tuaktti nak

Chungkhar hna hi ngakchia tthanchonak kongah a hmasabik le caan saubik a tuah kho mi an si. Na fa nih sianginn ah a cawnmi thazaang pek le inn ah ca zoh na bawmhna thawngin na tunmer khawh.

Na fa nih sianginn i kanan a tuahning le nangmah chimh na rak sining aa dang tiah na ruah men lai, asinain na fa cu lam tampi in na bawmh khawh rih ko.

Hi ca hmete nih hin lentecelhnak le nifate chungkhar cawlcanghnak hna hmangin na fa he kanan tuakttining ruahnak an pek.

Nanmah holh in siseh, Mirang holh in siseh hibantuk cawlcanghnak ah na fa aa tel ve ahcun a thahnem tuk.

Na Fa a Saya

Na fa kanan a thiamdeuh nak hnga a bawmhning cu na fa i a saya nih ruahnak an pek khawh lai. Saya he nan i ruahceih dingmi tlangtar ah aa tel mi pawl cu:

- Kanan tuak lei ah na fa nih a tuah khawh mi pawl.
- Na fa i a hmuichon cu kanan thiamnak lei ah hmaichon lengmang hi a si cun cucu a tlinh khawhnak lai nangnih zeitindah na bawmh lai.
- Aa harhmi thil ah na fa bawmhna ah na hman khawhmi tuahning pawl.

Online ah hmuh khawh mi pawl

Victorian acozah nih a tuahtar mi Connect-Primary website nih inn computer siseh khuachung library computer in siseh, cawnnak hriamnam ttha fawitein hmuhkhawhnak a tuah. Sianginn zongah a si kho men.

Primary siangngakchia ca i *Connect-Primary* website cu hika ah hin zoh: <http://www.education.vic.gov.au/primary>

Ngakchia hna hman awk ah a tthami asi hrimhrimnak lai *Connect-Primary* website chung um pawl cu sayate nih an zoh peng.

Connect-Primary website i telh lo mi website ah na luh sual a si ahcun, himnak ruah ah, na min, na fa min, siang inn min, phone number te hna le na address tibantuk pumpak kong hna kha na theih lo mi sinah pe hlah.

Ultranet hi tuahter mi online, na fa sianginn ah a cacawnni kong hngalhertu a si. Hihi pengpumpi in a him mi siangngakchia, nu le pa le sayate nih internet in zoh khawh a si. *Ultranet* website cu: www.education.vic.gov.au/about/directions/ultranet/benefits/parents.htm

Chawdawr nak in lentecelhning

- Rawl le eidin awk an zuar mi hna kha thim hna law an man zat ca te thlah hna.
- Phaisa hnah le a pia hna hmang in zeitin kan caw ti kha i ruah uh.
- Dawr in thil cawknak le zuarnak ah khan lentecelhnak phaisa hmang uh.
- Rawl phun pawl kha a saubik in a tawibik tiang cah asilole a man a fawibik mi in a fakbik mi tiang.
- Coka i hman mi cuaitahnak kha rawl, lakphak bawm asilole facang tun thlainak ah hmang law thil kha a khing in cah hna.



Lentecelhning

- A pungsan, a zat le namuna theihnak ah lentecelh i celh.
- Lentecelhnak i hrilhmi thilpum hna khi tunu pawl fonhnak ah a ttha ngai. Thilpum kha hril law a zat theihmi kha chim asilole ttial. Thilpum kha voihnih hril law azapi ah zeizat a si ti theihnak ah fonh hna
- Internet ah na fa he nambar lentecelh i celh uh <http://www.abc.net.au/countusin/>



Zohchunding thil hna tuahning

Zohchun ding thil ser le hngalhpi cu a biapi tukmi kanan tuak thiamnak nambar, a pungsan hna le an i lawhnak hna.

- Thilpuan, thilfunnak catlap, umkheng, pakan, caku le thutdan cabuai hna an hmuh khawhmi zohchun awk thil hna kha thlaidan le fainter nak.
- A zawng, lentecelh inn saknak i hman mi thil hna kha na fa zohchun awk ah hmang hna. Abiana ah a sen, a dum, a rang, a sen, a dum, a rang.
- Na fa kha zukuai, i zohchun awk amahte in ser le chim kha thazaang pe. A kiangkulhnak asilole greeting card asilole thil ah hmang hna.



Thil hna tahning.

- Na chungkhar nan tungsan tahnak ah vanpang thlaimi caku hmang.
- Na fa ca`h hri kha tan, a tawisau zeipaoh a ttha ko lai. Na hrinak in a sau deuhmi le a tawi deuh mi hna theihnak ah nan inn chung i a um mi thil hna kha tah hna. Zei hi dah hri he a can mi a si ti kha na fa hal.
- Hrai, darkeu, fung, ke nehkuar kut dongkhat hna kha hmang in adang tah nak kha kawl pi.
- A duhbik mi tunu nak in a sang deuh mi inn sang kha sa. Inn sang a sannak theih nak ca`h a saknak thingtum, thil tlang pazeizat dah a si ti kha na fa relter.



Nambat kawl ah kal

- Na fa he nan pawng i a um mi nambat kha kawl, abiana ah, inn nambat hna, nithla zohnak hna
- Mottaka nambat hna, hmelchunnak hna, nithla relnak hna, tadinca hna, dawrthil kong thanhnak hna, zeitluk rang in kal ti hmelchunnak hna, inn nambat hna zoh le chim.
- Kanan rel cawnnak thawknak ah nambat dangdang kha hmang hna. Abiana ah, a rel kha 6 asilole 10 in thawk. A hnulei a hmailei kha na fa relter. Zei nambat dah a ra hmasa i zeinambat dah a ra hmanung ti kha hal
- Kan naan tuaknak seh i a numbat kha tthate in ngalh. Internet chung i a aw a chuakmi kanantuaknak kha hmang. <http://pbskids.org/cyberchase/games/calculator/calculator.swf>



Phe hmaning

- Phe in a khatmi nambat tete in lente celh.
- Phe kha an lungsan (pana, hawikom) asilole a nambat khan a nganbik in a hmebik tiang a rualte in chia.



Dothlatnak dingah biahalnak hna tuah

Kanan a dothlat nak lai nafa kha biahal.

Zei pungsan dah na hmuh khawh?

Zeitin dah kan tah khawh lai?

Zeitin dah a cheu in kan rel lai?

I chawnh nakah lamttha bik ze i dah a si?



Kanan kha tuanbia ah thlenning.

Nifatinte a cangmi thil hna kha kanan tuanbia ah thlen. Cu hna cu:

- Thingthei khaw chung i a um mi thingthei rel.
- Thingthei kha paruk paruk in rel.
- Bus asilole mottaka chung a um miminung rel.

Na fa kha hmanthlak suaite le a suaimi hmanthlak ah thil phunzeizat dah a um ti chimter kha fial. Na fa ruahnak kha tuanbia bantuak in ttial.

Hihi i zohchun ding cheukhat an si:

- Khaw chung ah thei panga an um. Pathum hna cu apple an si i pahnih hna cu banhla an si.
- Ka khedan bawm chungah thil pali an um. Pakhat cu khedan sen, pakhat cu khedan dum le pahnih hna cu khedan hring an si.



Kanan he kalti

Hi ruahnak nih hin takpum cawlcanghnak,
thawng theihmi hna, mit le kut hman in kanan rel
khawhnak hna kha a hman hna.

Khika phanhnak ah voi zeizat dah peh a hau?

*Khahriat bawlung kha
vawlei a phanh hlanah voi
zeizat dah na tuk khawh?*

*Khika tiang lanhtaknak ah
caan zeizat dah a hau?*



Puaimei ceu kanan relnak ah

Thilrel cu ngakchia hna ca`h a hmasabik kanan a si.
Thilrelnak cu an duhbik mi hla, asilole bia le nambat
min hna nolhtthannak in a thawk deuh.

Ngakchia thil rel an hun thiam ah khin kanan tuak
thiamnak thar an i chap.

Ngakchia pawl thil rel thiam an hung si tikah thil
paohpaoh kha nambat pakhat min he pehtlaihter
in an thawk tawn. A hramthawk ah, thil le atlakmi
numbat kha an chim ca`h thil kha a tongh hnanak
lai forhfial.

Ngakchia cu phukhat i a um mi thil hna relnak in
an i thawk lai. Abiana ah, kutdong le kedong hna,
hniupan cung a um mi kep hna, inn kainak hlei
asilole tunu hna.

Phukhat chung thil hna kha rel a thawk tik ah, thil
hna kha an lung fiannak ah a changchang te in an
chiah men hna lai. Ahnu ahcun thil a zapi ah zeizat
dah a si tiah an rel khawh lai.

Ngakchia cheukhat cu thil hna kha an umning a
thlen ahcun reltthan an hau lai. Abiana ah
lentecelhnak inn saknak hna kha tuan ahcun a
tlang in an rak um i a tu cu a phu in an um cang.
Hihi an ruahnak hmanna ah a ttha mi a si kho ko
zeica tiah a hnubik a rel mi nih khan a phu chungah
zeizat dah a um ti kha a chim.

Ngakchia cu nambat ttialnak, zuk suainak le nambat
kong chimnak ah an ton mi tam pi a um a herh.

Nambat le nanbatrel nifatin te kan nunnak i a tel zia
hi hrilhfiah in aa pehtlaihnak kha tuah.

Hi nambat relning hi inn ah na tuah chun maw?

- Eidin pawl kha trolley chung na sanh asi lole inn
i na chuah hna tikah rel hna.
- Lente nan i celh i bawlung na thawm mi
paoh kha rel.
- Cakuat kuang, innhmai innka, thilzarnak hri tiang
kar zeizat dah an si ti rel.
- Tunu hna, thilhawng hna, bailep tibantuk hna kha
khawm law rel hna.
- Nithla relnak ah ni hna kha rel, thilbiapi a can ni
tiang kha rel.